

Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

V. Opera quibus reatus peccati præteriti expietur, rectè à Sacerdotibus
iniungi.

[urn:nbn:de:hbz:466:1-54092](https://nbn-resolving.de/urn/resolver.pl?urn=urn:nbn:de:hbz:466:1-54092)

C A P V T . V.

*Opera quibus reatus peccati præteriti expietur,
rectè à Sacerdotibus iniungi.*



EMONSTRAVIMVS hactenus, opera laboriosa sponte assumi posse: sequitur, ut ea posse quoque, ac debere à Sacerdotibus iniungi, breuitate ostendamus.

PRIMVM igitur verba illa Domini: *Quodcunq; ligaueris Matth. 16. & , Quacunq; alligaueritis, Matth. 18. iatis aperte hoc docent. Rectè enim Concilium Tridentinum, sess. 14. can. 15. docet, Claves Sacerdotibus datas non tantum ad solvendum, sed etiam ad ligandum; & ideo sicuti à culpa pœnitentes absoluunt, ita etiam posse ac debere eosdem ad certa pœnitentia opera alligare: & quemadmodum peccata remittunt quoad culpam, & pœnam æternam, dum absoluunt, sic etiam peccata retinent quoad pœnam temporalem, dum multam pœnitenti imponunt.*

Ridicula autem est obiectio Lutheri, quod peccata ligari & solvi dicantur, non Confessio, aut Satisfactionio. Nam neque nos dicimus, ligari vel solvi Confessionem, aut Satisfactionem: neque propriè peccata soluuntur, aut ligantur; sed homines sunt, qui à vinculis peccatorum absoluuntur, vel pœnarum vinculis alligantur.

PORRO in potestate Clavium contineri, ut Sacerdotes pœnitentibus opera quædam laboriosa præscribant; ac per hoc, ad Ius diuinum, non ad humanas traditiones hoc pertinere, testatur sanctus Leo in epist. 91. ad Theodorum, his verbis: *Mediator Dei ē hominum, hanc Praepositus Ecclesia tradidit potestatem, ut ē confitentibus actionem pœnitentia darent, ē eosdem salubri satisfactione purgatos, ad communionem Sacramentorum per ianuam reconciliationis admitterent.*

Sanctus etiam CYPRIANVS in sermone de lapsis, dum contendit, non oportere ad Martyrū preces, remittere peccata lapsis, nisi prius expleuerint impositas multas; ad Euan-

gē-

uangelium recurrit: *Contra Euangelij, inquit, Vigorem, contra Domini ac Dei legem, temeritate quorundam laxatur incautis communicatio. Irrita, & falsa pax, periculosa dætibus, & nihil accipientibus profutura. Non querunt sanctitatis patientiam, nec veram de satisfactione medicinam. & infra: Contra Euangelium facere non possunt, qui de Euangelio Martyres sunt.*

Et S. GREGORIVS lib. 3. in 1. Regum, explicans cap. 7. *Afflictio, inquit, pœnitentia, ad delenda peccata idonea est, cum Sacerdotis fuerit iudicio imperata, cum ab eo confitentium actibus discubis, pro modo criminis, onus eis decernitur afflictionis.*

AD HAEC pleni sunt Conciliorum libri canonibus (quod nec Aduersarij negant) quibus certum tempus ad satisfaciendum pœnitentibus præscribitur. Et quamvis opera laboriosa, pœnitentibus olim ante Absolutionem imponebatur, & explebantur; tamen non fuisse id absolute necessarium, sed potuisse etiam expleri post Absolutionem, ut hoc tempore fieri solet; ac per hoc, satisfactiones illas non tam ad culpam, quam ad pœnam temporalem expiandam, referri consueisse, perspicuum est ex Conciliis illis, quæ in articulo mortis iubent pœnitentibus Communionem dari, etiāsi nulla, aut non plena præcesserit satisfactio; sed tamen admoneri, ut si forte superuixerint, integrè pœnitentiam sibi iniunctam expleant. Vide Concilium Nicænum, can. 12. aliás 13. Carthaginense IV. can. 76. Arausicanum I. can. 3. Mognuntinum sub Rabano, can. 26. Item cap. 83. Græcarum Synodorum à Martino Bracarensi collectarum: & ex Pœnitentiali Theodori apud Gratianum, 26. quæst. 7. can. Ab infirmis.

Nec verò desunt optimæ rationes, ob quas planè congruens fuerit, ut in Sacramento Pœnitentiæ Deus vellet per ministros suos certam multam peccatoribus imponi.

PRIMVM enim id exigebat differentia inter eos, qui ante Baptismum, & qui post Baptismum peccant. Qui enim peccant ante Baptismum, maiori misericordia digni sunt, quam qui post Baptismum: cùm ille in tenebris ignorantiae; isti

Zzzzz 4 in lu-

in lumine fidei, & agnitionis Dei versarentur: illi diabolo & pompis, atq; operibus eius nondum nuncium remisissent: isti remisissent: illi sine adiutorio gratiæ gratum facientis, & absque Spiritu sancto inhabitante viuerent; isti filij Dei effecti, pignus Spiritus in cordibus suis haberent: illi denique nunquam anteà ad indulgentiam peruenissent; isti post indulgentiam, & tot beneficia, ingratit, tantum benefactorem iterum ad iracundiam prouocâsent. Itaque omnino patet, vt Deus Ministris suis mandaret, vt peccates post Baptismum, non sine mulcta iniuncta ad indulgentiam diuinam perianuam reconciliationis admitterent.

Quam rationem Michaël PsELLVS in ea disputatione quam edidit, An plena remissio detur in fine suscipiente habitum Monachalem; egregie his verbis cōplexus est, ex sententia Gregorij Nazianzeni: *Quot afferemus lachryma, Et fonti Baptismi exæquentur? etenim nisi tanta fuerint lachryma, Et per eas nostra iniquitates obruantur, non inuenientur eis superiores.* Et infra: *Diuinum quidem lauacrum, sicut superius est dictum, etiam sine lachrymis largitur remissionem peccatorum.* Quamobrem, quod talis lauacrum adest potestas, Et quod facile condonari possunt, qua ante Baptismum peccata sunt, Et qua sint admissa propter ignorantiam, ostensum est: qua autem post Baptismum, multis lachrymæ indigent, Et non facile condonantur, quoniā prudenter, si entesq; peccamus,

ALTERA ratio peti potest à misericordia, & iustitia Dei, quæ in diuinis literis passim coniunctæ prædicantur: siquidem maximè consentaneum est rationi, vt sic Deus ex misericordia peccata condonet, vt etiam iustitiae, quoad eius fieri potest, satisfieri velit.

NEQUE soluitur argumentum, si quis dixerit, Christum pro nobis Deo Patri abundè satisfecisse. Nam etiam ad amicitudinem Dei recuperandam, & pœnam sempiternam evadendam, congruens fuerit, vt nobis Christi satisfactio applicaretur, cum nos tanto oneri omnino impares essemus; tamen ad expiadam pœnam temporalem, per Christi gratiam idonei effecti, par erat, vt nos ipsi, qui Deum offenderamus, eidem nostro labore satisfaceremus.

TERTIA

TERTIA ratio dicitur à differentia Sacramenti Baptis-
mi, & Pœnitentia. Nam Baptismus, cùm sit lauacrum rege-
nerationis, non requirit, ut si qui regeneratur, in ea re mul-
tum laboreat: at Pœnitentia, quia medicamentum est animæ
vulneratae, ac ægrotantis, id planè exigit, ut qui curatur, me-
dicinales vñstiones, incisiones, pharmaca amara, aliaque id
genus multa sustineat.

QVARTA ratio sumitur ab utilitate ipsius pœnitentis:
utilessimum enim peccatori est, ut non maneat penitus im-
punitus, ne ex venia facilitate ad peccandum iterum incite-
tur. Atque hæc est ratio sancti Gregorij NAZIANZENI,
oratione 14. quam habuit in funere parentis sui Gregorij:
*Deus, inquit, soleret remissionem inclinare consueverit, non tan-
men in omnibus parcit peccantibus, ne illi honestate sua fiant
deteriores. Hac ille.*

NEQVE solū timor satisfactionis cum labore exsolue-
da, coëtcet à peccando, sed etiam admonet quanta sit pec-
cati grauitas, & eo modo animam erudit, & illustrat, atque
ex eo lumine ingens quoddam odium erga peccatum na-
scitur, ut iam non timore pœnae, sed amore iustitiae, & odio
peccati in bonis actionibus perseveretur.

NEQVE exigua est illa utilitas Satisfactionis, quod mul-
tum conducit ad habitus vitiorum eradicatorum, & virtutum
inserendos, quodque Christi crucem gustare nos facit, &
Christo ipsi compati, ut cum eodem postea (iuxta Aposto-
lum) regnemus: quas rationes breuiter attigit Concilium
Tridentinum, sess. 14. cap. 8.

QVINTA ratio petitur ab utilitate, quæ in alios redun-
dat. Nam sæpè ob peccatum vnius, non punitum, ut oport-
ebat, in totum populum Dei furor accedit: cuius rei te-
sis est Iosue, qui cap. 7. scribit, populum Israël tamdiu co-
ram hostibus terga vertisse, donec peccatum Achan dete-
ctum, & punitum non fuit. NEQVE exigua est illa utilitas,
quod ex pena vnius, præsertim si publica sit, sæpenumerò
corrigitur multi. DENIQVE, illud quoque accedit, quod,
ut sanctus CYPRIANVS ait in sermone de lapsis, extre-
mo: *Is qui Deo pro peccatis suis satisfacere, si par est, laborat, no[n]*

zzzzz 5

solame

Solum Veniam apud Deum impetrat, sed etiam quam contritauerat nuper, latam facit Ecclesiam.

CAPVT VI.

*Opera satisfactoria esse, Orationem, Ieiunium,
& Eleemosynam.*

VARTA sequitur quæstio, Quænam sint illæ opera, quibus pro reatu pœnæ expiando, satisfacere debemus. Et quidem Philippus Melanchthon cùm in Confessione Augustana, articulo de Confessione, inter eos qui sunt de abusibus, & in Apologia articuli de Pœnitentia, tum in Locis, tit. de Satisfactione, absolutè damnat ea opera, in quibus Catholici Satisfactionem constituunt, ac dicit esse cæremonias, res inutiles, non mandatas diuinitùs, traditiones humanas, &c.

Martinus autem Kemnitius in 2. parte Examinis, pag. 1094. admittit, opera quæ Satisfactoria dicuntur à Catholicis, ut Orationem, Ieiunium, Eleemosynam, in genere, & ut ad vitæ nouitatem pertinent, mandata esse diuinis: tam certam mensuram eleemosynæ, certos dies ieiuniorum, certas preces ad expianda peccata, vel sponte suscepta, vel à Sacerdotibus indicta; contendit esse traditiones humanas, & opera electitia, quæ nullius sint apud Deum precij, aut valoris.

Nobis igitur duo probanda sunt. PRIMVM, opera Satisfactoria in genere, non esse cæremonias, aut res inutiles, sed res utilissimas, quarum in diuinis literis exstet exempla, promissiones, & præcepta. DEINDE, hæc ipsa opera in particuli, quatenus à Deo non imperantur, sed sponte ad peccata expianda suscipiuntur, grauissima esse Deo, & exemplis Scripturarum, ac promissionibus confirmari.

Quod igitur ad PRIMVM Martinet, sciendum est, Operas satisfactoria, ex cōmuni Theologorum sententia, & ex Concil. Trident. sess. 14. can. 13. esse, Orationem, Ieiunium, & Eleemosynam, ac præterea illa omnia, quæ ad hæc tria, tanquam ad quædam præcipua capita reuocantur.

Cul